

# O Le Tulafono a le Alii o le Faapaiaga

Mataupu Faavae ma Feagaiga 42:30–38–39

Mataupu Faavae ma Feagaiga 78:3–7

Mataupu Faavae ma Feagaiga 105:1–5

Na faamalamalama mai e Elder D. Todd Christofferson o le Korama a Aposetolo e Toasefululua:



O le tualfono a le Alii i le faapaiaga (tagai, faataitaiga, MF&F 42:32, 53) . . . lea e i ai sana matafaioi faale-tamaoiga, ae e sili atu nai lo lena, o se faaogaaga o le tulafono faaselesitila i le olaga iinei ma le taimi nei (tagai i le MF&F 105:5). Ina ia faapaiaina o lona uiga o le vaetofia lea po o le tuuina atu o se mea e paia, ma tuuto atu i faamoemoega paia. O le manuia moni i lenei olaga, e maua mai i le faapaiaina o o tatou olaga—o lona uiga, o o tatou taimi ma filifiliga—i faamoemoega o le Atua (tagai loane 17:1, 4; MF&F 19:19). I le faia o lena mea, tatou te faatagaina ai o la e siitia i tatou i lo tatou taunuuga e aupito sili ona maualuga. (D. Todd Christofferson, “Toe Manatunatuga i se Olaga Faapaiaina,” *Liahona*, Nov. 2010, 16)

Na aoao mai Elder Dieter F. Uchtdorf o le Korama a Aposetolo e Toasefululua:



*O le ositaulaga ma le faapaiaga* o ni tulafono faalelagi se lua ua tatou osifeagaiga e usitaia i totonu o le malumalu sa. O nei tulafono e lua e talitutusa ae e le masaga. . . .  
O *le faapaiaga* e ese mai le ositaulaga i se auala taua se tasi. Pe a tatou faapaiaina se mea, tatou te le tuua ina ia faaumatiaina i luga o le faataitaiga. Ae, tatou te faaogaina i le galuega a le Alii. Tatou te faapaiaina ia te la mo Ona faamoemoega paia. Tatou te maua taleni ua tuuina mai e le Alii ia i tatou ma tinoū e faateleina, ia lasi, ina ia aoga atili i le fausiaina o le malo o le Alii.

E toalaiti lava i tatou o le a talosagaina e *ositaulaga* o tatou ola mo le Faaola. Ae ua valaaulia i tatou uma ina ia *faapaiaina* o tatou olaga ia te la. (Dieter F. Uchtdorf, “Ā Tatou Mea Uma Mai Le Loto,” *Liahona*, Me 2022, 124)

O le a le tulafono o le faapaiaga? E faapefea ona aafia ai au?

O le taimi nei, ua eseese auala ua tatou ola ai i lenei tulafono. Mo se faataitaiga, tatou te auauna atu i isi, talia valaauga ma tofiga i le Ekalesia ma fai le mea sili tatou te mafaia, ma totogi se sefuluai ato ma se taulaga anapogi limafoai. A tatou faia mea ua faatonuina i tatou e perofeta ma le Agaga Paia e fai e fausia ai le malo o le Atua ma fesoasoani i e le tagolima, o loo tatou ola i le tulafono o le faapaiaga. (“O le a le tulafono o le faapaiaga? E faapefea ona aafia ai au?,” *Mo Le Malosi o le Autalavou*, Ape. 2021, 31)